

Ĉinio avertas ke usonaj tarifoj povus krei humanitaran krizon



Havano, apr 12 (RHK) Ĉina Komerca Ministro Wang Wentao diris en Pekino, ke la daŭra enkonduko de tarifoj fare de Usono kaŝzos grandan damaĝon al la evoluanta mondo kaj eĉ povus kaŝzi humanitaran krizon.

Ĉi tio estis deklarita en videokonferenca konversacio kun la Ĝenerala Direktoro de la Monda Komerca Organizo (MKO), Ngozi Okonjo-Iweala.

Wang diris, ke Ĉinio prenis "decidajn kontraŭrimedojn" ne nur por protekti siajn legitimajn rajtojn kaj interesojn, sed ankaŭ por subteni egalecon kaj justecon en la internacia komunumo.

Li emfazis, ke Membroj de MOK devas kuniĝi por kontraŭstari "unuflankecon, protektismon kaj ŝikanajn praktikojn" per malferma kunlaboro kaj plurflankismo.

La komerca ministro asertis, ke Ĉinio firme aliĝos al la reguloj de la organizo, plene kaj aktive partoprenos en la reformado de MOK, kaj subtenos malferman, inkluzivan, travideblan kaj nediskriminacian plurflankan komercan sistemon.

Siaflanke, Okonjo-Iweala rimarkis, ke la daŭra eskalado de komercaj streĉoj prezentas enormajn defiojn al la perspektivoj de tutmonda komerco kaj ekonomia kresko, dum emfazis, ke membroj de MOK devas kune protekti malferman, regulbazitan plurflankan komercan sistemon.

Pasintsemajne, usona prezidento Donald Trump anoncis amasajn reciprokajn tarifojn kontraŭ siaj partneroj, ekigante komercan militon kun Ĉinio. Tarifoj metitaj de Usono pri importado de la azia giganto atingas 145%.

Fonto: RT

<https://www.radiohc.cu/eo/noticias/internacionales/380709-cinio-avertas-ke-usonaj-tarifoj-povus-krei-humanitaran-krizon>



Radio Habana Cuba